

# Ina giuvna creativa e precisa

12 emprendists da scrinari dalla Surselva ein separticipai alla concorrenza Lenn creativ

■ (anr/gd) Activar la creatividad, elavurar ina idea e realisar ella a moda professionala ein stai ils pensums per ils 12 emprendists da scrinari dalla Surselva che han inoltrau lur lavurs per la concorrenza «Lenn creativ 2007». Dacuort han els presentau lur mobiglias el luvratori dalla Scola professionala a Glion. La giuvna Adina Häny da Castrisch ha gudignau la concorrenza en Surselva e sa exponer sia lavur all'exposiziun naziunala dil lenn a Basilea. L'entschatta december han ils emprendists da scrinari dil tierz onn giu la pusseivladad d'inoltrar in sboz cun ideas al scolasts dallas scolas professionals Cuera e Glion. Il schaner han els dau a scolasts e patrums in plan da lavur e silsunter ein els semess alla lavur. Dils 18 emprendists sursilvans el tierz onn ein dudisch separticipai alla concorrenza «Lenn creativ 2007».

### Design e funcziun constattan

Per saver separticipar han els stuiu ademplier certs criteris: la mobiglia astga buc esser pli gronda che treis meters, ella sto vegnir elaborada cun lenn dall'Europa e astga buca custar dapli che 400 francs. Plinavon han ils participonts stuiu scriver in diari da lavur che documentescha cun skizzas ni fotos ils differents process da lavur.

In pult cun tabla per tastatura, ina bar, vitrinas e scaffas da biro, puffens cun illuminaziun interna ed intarsias, meisas da salun sco era autras lavurs inschignusas han ins saviu admirar la sonda e du-



Ina mobiglia funcziunala ha Adina Häny creau per la concorrenza «Lenn creativ 2007». D'atun sa ella presentar sia lavur a caschun dall'exposiziun naziunala dil lenn a Basilea.

mengia el luvratori dalla Scola professionala a Glion. Sco suletta giuvna ha Adina Häny da Castrisch – ella frequenta igl empenissadi tier Franco Mognetti da

na Häny da Castrisch – ella frequenta igl empenissadi tier Franco Mognetti da

Rabius – inoltrau sia lavur. Ella ha construì ina mobiglia funcziunala cun tef da design. Cun in «bravo» e cul giudicament «super» han ils experts taxau igl object. «Jeu cedel pér cu tut funcziunescha perfetg. Pli bugen in tec dapli che memia pauc ei mia devisa», di la giuvna da 20 onns. Respectar il reglament dalla concorrenza seigi buca stau sempel. Planisar, empruar e realisar hagi la finfinala pretendiu dad ella dapli uras che las 50 perscettas.

### A l'exposiziun naziunala a Basilea

La disciplina ed igl inschign da Adina Häny ei sepagai. Sia mobiglia ha perschadiu la giuria. Quest atun sa ella exponer quella all'exposiziun naziunala dil lenn che ha liug dils 16 tochen ils 20 d'october a Basilea. La commoda da lenn-nughèr culs otg truchets d'ischi vegn lu danovamein prida sut la marel-la. «Jeu sperel che l'idea e la funcziunaltad da mia mobiglia perschadiu puspei. Jeu sun spannegiada dalla nota e patratgel positiv», di ella. Sco fatg positiv seigi era sresultada sia decisiun da far in emprendissadi da scrinaria. «Jeu level far assistenta da miedi. Varga 120 annunzi-as hai jeu tarmess senza success. Quei ha para duui esser per survegnir igl impuls da volver mia veta per 180 grads. Uss sundel jeu cuntenza d'esser scrinaria», declara Adina Häny. Frequentar la scola professionala cun giuvens e far in mistregn dad umens caschuni ad ella neginas difficultads, anzi: «Jeu sun pli bugen

cun umens. En scola vegnel jeu tractada precis sco ils giuvens. Forsa ein giuvnas in tec pli ambiziusas quei che pertucca contonscher bunas notas», conceda ella.

Plascher dalla prestaziun da Adina Häny ha era siu patrùn. «Per far quella mobiglia ha Adina impundiu tut siu interess e tut igl inschign. La mobiglia ei d'in ault standard e va en direcziun design innovativ», di Franco Mognetti.

La concorrenza per «Lenn creativ 2007» ei denton buca stada d'avantag mo per la giuvna Adina. Era tut ils auters emprendists che han mussau inschign e bien maun pil lenn han saviu profitar da quella sfida e da quella experientscha en lur tierz onn d'emprendissadi. L'auter onn ha ei lu num mussar creatividad, inschign ed exactadad pils examens finals.

### Ils 12 emprendists ch'ei separticipai

Dario Albin da Trun, Maurus Berther da Rabius, Roland Cadalbert da Vella, Severin Cajacob da Sumvitg, Patric Capaul da Surscasti, Patric Darms da Falera, Remo Deflorin da Mustér, Flavio Derungs da Camuns, Adina Häny da Castrisch, Roman Monn da Sedrun, Fabian Rungger da Dutjen e Gian Carlo Sax da Flond.

reclama



# Bia savur verbala davart l'amur

La Televisiun Rumantscha ha schau vegnir a plaid la giuventetgna

■ (ac) Co s'inschigna la giuventetgna cun la sexualitad? Susanna Fanzun ha tschercau ils indezis per la Televisiun Rumantscha. La mesjamna passada ein ils scolars dil Consorzi da scola da Glion e contuorn stai envidai alla premiera. «Barschunar, bumsen, ficken, far l'amur.» Aschia han ils giuvnils titulau igl act copulativ en in film dalla Televisiun Rumantscha che tematisescha la veta sexuala dalla giuventetgna. Il film da Susanna Fanzun viva buca ton dils maletgs mobein dils plaids. Dil lungatg cun ils quals ils giuvnils espriman ton ils giavischs sco las imaginaziuns e lur experiensas sexualas. Tgei ei pia semidau en quei grau dapi ch'ins sez era en quels onns da giuventetgna? Semidau el temps nua che la sexualitad, ni silmeins la sexualitad visuala ha penetrau il mingagi sco ils paunets da Mc Donalds. Ussa che l'unda pornografica ei sederschida neu dalla reit, fulau via entochen el natel e scatschau definitif la cicogna ord tut las neblas? Secapescha che quella pronografia ei era tema tiels giuvnils. Sco ei para in fenomen che atrai plitost la part masculina. Aschia sexpriman els, tuttaviva cools, tratg la capetscha lunsch sur las ureglias giuaden, tuttina buca senza certas retenientschas. Memia directas ein las damondas, e la camera si pil nas. Las

giuvnas paran pli madiras en lur explicaziuns quei che pertucca il far l'amur, buca sulet il cic dil fick mobein senz'auter era ina damonda da sentiments. Ed il giavisch per in telefon ed in per plaids da carezia e renconuschientscha. L'emprima ga ei in'impurtona ga mo buca exnum stau ina biala ga.

### Il condom ei s'etabliu

Pilver enzatgei ei semidau enteifer ils decennis passai, il condom ei daventau opportunus alla societad, el appartegn ozilgi alla savida generala. Ils 20 onns lavur da prevenziun digl Agid da SIDA han purtau fretg. Il condom ei in impurtont tema ed il giuvnils da domaduas schlattinas san tgei prighel ch'ei schluitaus el sex. Giuvnas e giuvens ein pertschats che la prevenziun entras il gummi ei dubla e mantegn las giuvnas da ina gravidonza prematurada.

### Educaziun sexuala munglusa

Secapescha ch'il film cuntegn explicaziuns che fan surstar. E quei pertucca principalmeins l'educaziun sexuala. En scola? Pauc! Dils geniturs! Strusch! Cheu para il temps dad esser staus eri. Nuota ton ei semidau, sex para buca da esser tema a casa davos meisa ed els bauns da scola. Il Bravo curdaus ord moda. En

scadin cass san ils giuvnils pauc dil ciclus feminin, dils gis ils pli fritgeivels e co la giuvna ni dunna vegn en speranza. «Quei intressescha buca mei». «Dar adatg ston ins adina».

Il film dad Susanna Fanzun tematisescha tut las facetts ch'ei tema ella sexualitad giuvenila. Magari resta tut empau sdremai levamein agl ur. Dapli lubescha il spazi dil film buca ed era probabel buca intent. Mariano Tschuor, il cauredatur da Radio e Televisiun Rumantscha ha envidau il scolars dils scalem superiur dil Consorzi da scola da Glion e contuorn alla premiera dil film. En siu plaid introductiv ha el rendiu attent alla munconza da lungatg che regia

entuorn la sexualitad. Munconza da lungatg che promovì in'expressiun vulgara, meinsvart banala. Mo Mariano Tschuor ha tschintschau dil sex che fettschi part agl eros, alla carezia, sex sco forza creativa che possibiliteschi la finfinala da dar vinavon veta. Mo ei pretendi da tener la pesentincl per mantener quella creatividad digl eros, il plascher da guder e buca curdar ella banalitat. Martin Gabriel sco president dil cussegl scola ha da sia vart menziunau ina caussa ch'ei segiramein semidada. Avon trenta onns fuss ei pli probabel strusch stau pusseivel da mussar in tal film ad in scalem superiur e silsunter entrar en ins discussiun cun il scolars.



Sut l'enzenna da SIDA. Negina discussiun davart la sexualitad lubescha da negligir quei tema.

KEYSTONE

Geniessen Sie ferne Länder zuhause.

**MIGROS**  
SO ODER SO

Sarasay Cosmo entführt Sie nach Indien, Marockko und Mexiko.  
Sarasay – da steckt viel Sonne drin.